

Halong Bay

Die Felsnadle, Bergkegel und Zuckerhuet vo ueber 3000 Kalksteinsle, zehled zu dae spektakularste Sehenswuerdigkeite vo Vietnam und sind sit 1994 als Weltkulturerbe anerkannt!

Mit em Bus vo Hanoi nach Halongbay haet mer ca. 4 Stund! Det aachoo, haend mir eigentli welle es Boot naeh nach "Cat Ba Island" i dae Halong Bay, leider isch das nid gange! Mer het nur choene e 2 oder 3 taegigi Tour mache, mit allem inkl., plus en Reisefuehrer! Nach langem hii und her, sind mir denn i es Hotel in Halongcity und haend es Boot gmietet fuer dae naechst Tag. Halong City isch nuet wuerklich speziells, sind so ziemli di einzige Touriste gsii und mer wird , wie ueberall in Vietnam, immer doof aagmacht. Sind ziemli uufdringlich d'Vietnamese und mengmal sehr unheimlich! Mer wird leider au immer ueber s'Ohr ghauue, was mit dae Ziit ziemlich deprimierend isch. Und bis jez haend mir ja nis so viel Glueck gha! Am naechste Tag sind mir mit mae Boot, fuer eus allei, 8 Stund dur d'Insle vo Halongbay tuckerlet!:o) Isch mega iidruecklich , alles uh gruen und bi froh gsii, dass euse Capitain d'Orientierig nid verloore haet! S'git au Luet wo det uf enart Huusboot lebed. Es sind eher eifach Hueser uf Wasser, als es Boot, also schwer zum beschriebe.:o) S'haet au viel Hoehlene i dae Insle, ha aber uf das verzichtet, da i eifach nid gern i so dunkle chliine Loecher bin:o) I weiss i bin en Schisshaas det dure! Nach mae Stop ufere Insle, mit Strand, wo mir selbstverstaendlich baedelet haend und erst no ganz allei gsii sind, haets leider aagfange regne und dae Wellegang isch au staerker wordae!:o(

Nachere recht churze Nacht, da mir am 5i scho haend muese uufstah, sind mir uf dae Bus richtig Suede!